



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

XVI. Rem domesticam componit.

urn:nbn:de:hbz:466:1-45256

tum Vota concipere, Religio-
 rum hominum ritu. Quam rem,
 litteris illius adductus Ignatius,
 à Pontifice Max. impetrauit. An-
 no itaque salutis clō. Io. XLVII.
 Votis nuncupatis solemnibus,
 Sociorum numero adscriptus
 Gandiæ est; paucis tamen con-
 scijs, ne in vulgus prius manaret,
 quam rebus omnibus composi-
 tis, Societati se adiungeret.

CAPVT XVI.

Rem domesticam componit.

IGITVR parendum in reliquis
 sibi Ignatij sanis consilijs du-
 xit. Filio Marchioni Lombaia
 Carolo, familiæ principi, vxor
 data Magdalena Centellas, Frã-
 cisci Centellæ Comitis Oliuæ,
 (id oppidū mille passibus Gan-
 diæ adiacet) & Mariæ Cardonæ
 filia. Filiarum trium natu mini-
 ma

ma Dorothea, nondum amissa matre, Christum sponsi loco adsciuerat, in cœnobiumque D. Claræ, puella admodum, se abdidit: cæteræ nobilissimis viris collocatæ. Isabella nuptum cessit Francisco Rogio Sandoualio, Lermæ Comiti, & Marchionis Dianij hæredi. Ioanna Aragonia Ioanni Henriquez, Alcanizij Marchioni, in manum conuenit. Gener sane vterque, vt genere nobilissimus, sic & moribus honestissimus. In quibus nuptijs illud FRANCISCI Ducis consilium laudari video. Alterum generum. Lermæ Comitem, ad tertium diem adesse iussit; pactus horam, tempusque quo sacris rite peractis, sponsalia inirent: ne, vt sæpe fit, non recte ante Ecclesiæ benedictionem conuenirent sponsi. Restabat alte-

alterum è mandatis, quod exsequi studio fuit simul & voluptati. Liberorum. enim nuptijs expeditis, totum se sacrarum litterarum studio dedit. Ei rei in Societatis Collegio membrum domus, quod exstat, exædificarat, quo se cum liberis studiorum gratia colligeret. Theologiæ itaque partim mysticæ, partim ei, quæ in scholis tractari disputando, via, ac ratione solet, egregiã operam nauauit; Doctore vsus Magistro Peresio, quem Valentia Edetanorum, magno præmio, honore, atque stipendio, euocandum curarat. Hunc attentè, assidueq; audiuit, & legendò, disputandoq;, ea industriæ, atq; doctrinæ dedit argumenta, vt breui laureæ titulo omnium suffragijs dignus haberetur. Magisterij itaque primum, mox Theo-

Theo-

Theologiæ laurea, adhibitis prius & disputationibus, & examine, decoratus est. Operę prærium fortasse fuerit, horas, studijque rationem referre. Tribus horis solem anteuertebat, quas, & alteras tres, precationi tribuebat. Octaua diei hora, vt Hispani numerant, expiatis quotidie criminibus communicabar. Nona, Doctorem Theologiæ attentè auscultabat, dictata etiam calamo excipiens. Summa temperantia pransus, de rebus diuinis cum liberis agebat. Pomeridiani temporis reliquum, partim studijs, partim negotijs priuatis, publicisque dabat. Vergente ad occasum sole, SS. Patrum monumenta Scripturæ lectioni adiungebat: horis item Canonicis temporis nonnihil tribuens. Somni enim parcissi-

mi

mi fuit, non lecto; sed tabulis ligneis, villoso tegmine instratis, vsus. Ante somnum seipse accurate excutiebat, apparitoris, lictoris, rei, & iudicis sustinere se personam fingens. Quo vitæ genere factum est, vt fama disseminata, illius visendi gratia, dynastæ aliquot Gandiam venerint: in his & Episcopus Carthaginiensis Spartariæ, Stephanus Almayda; datis etiam ea de re honorificis ad amicum literis.

CAPVT XVII.

Romam anno seculari sacro cogitat.

CESSE RAT dies, quem Pontifex rebus componendis FRANCISCO præfixerat, & decurso iam triennij studiorum spatio, annus secularis sacer, qui hodie *Iubileus*, imminebat. Romam

mam